

Mércores, 19 de marzo de 2025

Núm. 53

ADMINISTRACIÓN LOCAL**PROVINCIAL****DEPUTACIÓN PROVINCIAL****Subvencións e axudas**

*EXTRACTO DA CONVOCATORIA DAS BASES DE SUBVENCIÓNS DE COOPERACIÓN
AO DESENVOLVEMENTO DIRIXIDAS A ONGD PARA O ANO 2025*

*EXTRACTO DA RESOLUCIÓN PRESIDENCIAL 2025001411, DE 28 DE FEBREIRO DE
2025, POLA QUE SE APROBAN A CONVOCATORIA E AS BASES DE SUBVENCIÓNS DE
COOPERACIÓN AO DESENVOLVEMENTO DIRIXIDAS A ONGD PARA O ANO 2025*

BDNS(Identif.): 821034

*De acordo co disposto nos artigos 17.3.b e 20.8.a da Lei 38/2003, do 17 de novembro, xeral de
subvencións, publícase o extracto da convocatoria, cuxo texto completo se pode atopar na
Base de Datos Nacional de Subvencións ([https://www.infosubvenciones.es/bdnstrans/GE/es/
convocatoria/821034](https://www.infosubvenciones.es/bdnstrans/GE/es/convocatoria/821034))*

1. OBXECTO

Estas bases teñen por obxecto aprobar a convocatoria para a concesión, en réxime de
concorrenza competitiva, de subvencións dirixidas a organizacións non gobernamentais de
desenvolvemento, en diante ONGD, para o ano 2025.

2. ENTIDADES BENEFICIARIAS

Poderán beneficiarse destas subvencións as ONGD que cumpran os seguintes requisitos:

- a) Estar inscritas no Rexistro Galego de Axentes de Cooperación para o Desenvolvemento da Xunta de Galicia, na sección A.
- b) Ter o seu domicilio social ou unha delegación permanente na provincia de Pontevedra. Para estes efectos, entenderase por delegación permanente aquela que conte con persoal permanente da organización, xa sexa contratado ou voluntario, e local fixo para realizar actividades.
- c) Carecer de ánimo de lucro e non depender economicamente ou institucionalmente de entidades lucrativas.
- d) Ter entre os seus fins institucionais expresos a realización de actividades relacionadas coa cooperación ao desenvolvemento e co fomento da solidariedade entre pobos, a cooperación social ou calquera outra actividade de natureza similar.

Pode verificar a integridade deste documento no seguinte enderezo:
<https://sede.depo.gal>
Código seguro de verificación:64UHSMOHEZDV538Y



Mércores, 19 de marzo de 2025

Núm. 53

- e) Non incorrer en ningunha das prohibición previstas na LXS nin estar incluídas nos supostos de incapacidade ou incompatibilidade para a percepción de axudas ou subvencións públicas.
- f) Estar ao corrente de pago no cumprimento das súas obrigas tributarias coa Axencia Estatal de Administración Tributaria (AEAT), coa Axencia Tributaria de Galicia (ATRIGA), coa Seguridade Social e coa Deputación de Pontevedra.

3. ACTUACIÓNS SUBVENCIONABLES

Os proxectos presentados polas ONGD deben vincularse coas prioridades transversais mencionadas no V Plan director da cooperación galega, de acordo coas súas posibilidades e dimensións:

- A erradicación da pobreza multidimensional.
- A igualdade de xénero.
- A defensa da sostibilidade ambiental e a loita contra o cambio climático.
- O enfoque baseado en dereitos humanos.
- O respecto pola diversidade cultural e a promoción da interculturalidade.
- A equidade e a loita contra as desigualdades.
- A participación cidadá e o fortalecemento institucional e da sociedade civil.

Subvencionaranse tres proxectos cuxos obxectivos principais sexan a formación, capacitación, axuda técnica e o fortalecemento das entidades, así como satisfacer as necesidades básicas da poboación deses países, relacionadas coa alimentación, a saúde, a educación etc.

As actuacións subvencionadas deberán estar rematadas o 31 de decembro de 2025.

Para ser obxecto de subvención, os proxectos deberán contar con contrapartes ou socios locais que participen responsablemente na execución material e na xestión dos recursos e que constaten expresamente o seu compromiso de colaboración, así como a participación activa da poboación beneficiaria da subvención no deseño, na execución e na avaliación das actividades. Así mesmo, deberán ser viables económica, social e administrativamente, de modo que a continuidade do proxecto quede garantida cando finalice a axuda externa.

Consideraranse gastos subvencionables aqueles que de xeito indubidable respondan á natureza da actividade subvencionada.

Terán a consideración de gastos subvencionables indirectos os efectuados pola entidade solicitante relacionados co proxecto e asociados á administración, xestión e/ou supervisión; con todo, estes non poderán exceder o 10 % do orzamento total do proxecto.

En ningún caso terán a condición de gastos subvencionables:

- As actividades subvencionadas no mesmo exercicio a través doutras convocatorias de subvencións ou plans provinciais da Deputación de Pontevedra.



Mércores, 19 de marzo de 2025

Núm. 53

- Os gastos en atencións protocolarias (comidas, festas, recepcións, agasallos, flores etc.).
- Os billetes de avión en primeira clase ou preferente.
- As adquisicións de bens ou os gastos que teñan a consideración de investimento.
- Os xuros debedores das contas bancarias.
- Os xuros, recargas e sancións administrativas e penais.
- Os gastos de procedementos xudiciais.

4. FINANCIAMENTO

A contía prevista para esta convocatoria de subvencións, con cargo á aplicación 25/231.2313.480.02 do Orzamento xeral da Deputación para o ano 2025, ascende a corenta e cinco mil (45.000,00) euros, que representa o máximo de obrigas que se poden adquirir con cargo a esta convocatoria.

Só se concederá unha subvención por entidade. O importe máximo desta para cada actuación non poderá exceder os quince mil (15.000,00) euros. Subvencionaranse os tres proxectos que acaden a mellor puntuación.

As ONGD beneficiarias achegarán como mínimo o 5 % do custo total do proxecto. Esta achega poderá ter a súa orixe tanto en fondos propios coma do parceiro local e/ou da poboación beneficiaria, das entidades privadas ou doutras administracións públicas.

5. PRAZO DE PRESENTACIÓN DE SOLICITUDES

O prazo para a presentación de solicitudes será dun (1) mes, contado a partir do día seguinte ao da publicación das bases e do extracto da convocatoria no Boletín Oficial da Provincia de Pontevedra e na BDNS.

6. RÉXIME XURÍDICO

As subvencións rexeranse por estas bases reguladoras. Supletoriamente, aplicarase o disposto na LXS, na LSG, na Ordenanza xeral de subvencións da Deputación de Pontevedra, nas Bases de execución do Orzamento vixente da Deputación de Pontevedra e na demais normativa aplicable.

Así mesmo, rexeranse pola Lei 40/2015, de 1 de outubro, do réxime xurídico do sector público, pola Lei 39/2015, de 1 de outubro, do procedemento administrativo común das administracións públicas (LPACAP), polas demais normas de dereito administrativo e, no seu defecto, polas de dereito privado.

7. OUTROS DATOS DE INTERESE

- Solicitudes e documentación: as solicitudes e a documentación complementaria (base décima) presentaranse obrigatoriamente por medios electrónicos a través do procedemento específico dispoñible na Sede electrónica da Deputación de Pontevedra



Mércores, 19 de marzo de 2025

Núm. 53

(<https://sede.depo.gal/web/public/catalog-detail/64849178>), de acordo co establecido nos artigos 14.2 e 16 da LPACAP.

- Procedemento de concesión: concorrencia competitiva.
- Valoración e criterios de concesión: os establecidos na base décimo terceira da convocatoria.
- Forma de xustificación: mediante a documentación requirida na base décimo oitava da convocatoria.
- Forma de pagamento: transferencia.
- Prazo máximo de xustificación: ata o 31 de xaneiro de 2026.

Pontevedra, 18/03/2025.

O Presidente, Luis López Diéguez.

Pode verificar a integridade deste documento no seguinte enderezo:
<https://sede.depo.gal>
Código seguro de verificación:64UHSMOHEZDVS38Y

